

Ա. ՏԱՐԻ

ԲԻՒ 2

ՕԳՈՍՏՈՒ 1919

ՃԱԿԱՏԱՄԱՐՏ ՄԱՆԿԱՎԱՐԺԱԿԱՆ ՅԱԽԵԼՈՒԱԾ

ՕՐԿԱՆ ՀԱՅ ՈՒՍՍԻՑՉԱԿԱՆ ՄԻՈՒԹԵԱՆ

— ԵՊԾԸ Հ Ե Ը —

«... Զի գործողած դիրքին
ազնուացմամբ միայն գործը
կը զանէ իւր արժանաւոր
յարգը»

Յ. ՌԱՎԱՆ
Դաստիարակութիւն 1887

ԽՄՐԱԿԴՐԱԽԵԱՆ ՄՈԱՐՄԻՆ

Պ. Պ. Գ. Գ. ԳԱՎԱՋԵԱՆ

Պ. ԳԷՈՐԳԵԱՆ

Յ. Թ. ՀԻՆԴԵԱՆ

ԳԷՈՐԳ ՄԵՍՐՈՎ


Շ. Թ. ՊԵՐՊԵՐԵԱՆ

ՎԱՐԵԶ. Կ. Ա. Հ. Զ. Ա. Պ. Հ.

Պ. Կ. ՔԻՒՐՔԵԱՆ

ՏՊԱԳՐ. Ա. ՅՈՎԱԿԻՄԵԱՆ

Կ. ՊՈԼԻՍ



ՕՐԿԱՆ ՀԱՅ ՈՒՍՈՒՑՉԱԿԱՆ ՄԻՈՒԹԵԱՆ

ՄԱՆԿԱՎԱՐԺԱԿԱՆ ՅՈՒՅԵԼՈՒԾ “ՀՅԱԼՏԱՄՈՒՏԸ, Ի

Ա. ՏԱՐԻ

ԹԻՒ 2

ՕԳՈՍՏՈՒ 1919



ՅԱՐՈՒԹԻՒՆ ՄՈՍՏԻՁԱՆ

ՅԱՐՈՒԹԻՒՆ ՄՈՍՏԻՉԵԱՆ

(ԻՐ ՄԱՀՈՒԱՆ ԱՌԹԻՒ)

Յարութիւն Մոստիչեան հա Բալսարանական մըն էր, բայց մանկավարժ մը չէր. գործնական մարդ մըն էր, բայց դպրոցավարութեան մէջ գործնական փորձառութիւն չունէր: Հազիւ թէ տարիէ մը ի վեր իմամակալ եղած էր Կեդրոնական վարժարանին, երբ այս վերջնոյն տնօրէնութիւնը առաջարկուեցաւ իրեն, որ ընդունեց: Զեմ գիտեր թէ իրը Տնօրէն, ինչ գեր ունեցաւ. նոյն վարժարանին ուսումնական բաժինին մէջ, որովհեաեւ այդ՝ ներքին գործ մըն էր, որուն մնաք, աշակերտուներս գիտակ չէնք կրնար ըլլալ ու դատել: Բայց անոր դաստիարակչական ու բարյոյական բաժնին մէջ, մնած գեր ունեցաւ և այդ տեսակէտով սքանչելի վարիչ մը, տնօրէն մը եղաւ: Ճինդ տարուան համեմատապէս կարծ շրջանի մը մէջ, որ ազգային տապնապալի օրերու ալ զուգաղիպեցաւ, ան յաջողեցաւ հասցնել պատուական սերունդ մը, որուն մէջ խիստ շատ ականաւոր անձնաւորութիւններ կարելի է համրել: Քօի թէ զպրոց վարելու, մանկավարժական մասնագիտութիւն չունէր ան: Ուրեմն ի՞նչ էր անոր կարողութիւնը և ո՞ւր էր անոր ազգեցութեան գաղտնիքը: Երբ ըսեմ թէ, իր օրով հասած այդ սերունդը, ամբողջովին խորապէս կը կրէ այսօր իր նկարագրին գրոշմը, արզէն գրեթէ պարզած կը լամ այդ գաղտնիքը: Իր նկարագրին գրոշմը, ըսի, որովհեաեւ այդ մարդուն արժանիքը, իր նկարագրին մէջ էր:

Կեդրոնականի հիմնարկութենէն վերջը, երբորդ տարեշրջանի էիսին էր որ հան ընդունուեցայ: Զերազը տնօրէն էր և մնաց մինչեւ տարեշրջանին վերջը, այսինքն իմ օրովու հազիւ չորս ամիս միայն: Բայց տպաւորութիւնս այնչափ գորաւոր եղած է, որ շատ լաւ կը յիշեմ վարժարանին ծանօթ

Դէմքերը, կարգուսարքը, ներքին վիճակը: Զերազ ազատ դրութեան մը կուսակից էր. կարծես համալսարանի մը մէջ ըլլայինք: Դասերէն դուրս ոչ մէկ կարգապահական խստութիւն. հսկող գրեթէ չկար, ոչ ալ հետեւաբար հսկողութիւն: Բայց պէտք է նկատել որ համալսարանականներու տարիքի մէջ չէինք: Յետոյ ամէն գաւառէ, ամէն թաղէ, սարէն ու ձորէն խառնիխուռն ամէն կարգի տղաք լեցուած էին հոն, որոնք ոչ մէկ տեղ բարեկրթութեան ոչ իսկ օրինակը ունեցած էին իրենց աչքին առջեւ: Այս պայմաններուն մէջ հրաշք մըն էր, որ դպրոցական գասրնթացքը խառնակ ու անկարգ վիճակի մը չէր մատնուեր: Ասոր ալ պատճառը այն էր որ բոլոր տղաքն ալ ուսման ծարաւի էին և չափազանց կը սիրէին Զերազը որ ներողամիտ, ազնուասիրա, ընկերական ու կատակասէր վարժունք մը ուներ իր աշակերտներուն հետ: Ասիկա լաւ էր, որչափ ատեն որ Զերազը հոն մնար. բայց երր մակնէր, վտանգը մեծ էր. այնպէս ալ եղաւ:

Զերազին անակնկալ մեկնումէն յետոյ առժամապէս վարժարանը վարեց Դր. Մարգարեան, որ այդ բեռը տանելու կարողութիւն չունէր և իր անձնական հմայքը ոչինչ էր կարեւ նալ սանձելու համար տղոց ապերատան անկարգսպահութեան միտումները:

Առժամեայ անօրէնէն յետոյ, բերին ֆելիքէն անուն եւրոպացի մը, անմիտ, անչորհ: Խենթ, գինով ու սրիկայ մէկը. Ուրկէ ուր: Անլուր բան էր այդ: Հիմա հարկ չեմ տեսնար հոս երկարօրէն ծանրանալու և պատմելու թէ ո՞րու երեսէն և ի՞նչ պայմաններու մէջ այն մարդը բերուեցաւ և դրուեցաւ կեդրոնականի պէս, ազգին աչքին լոյսը եղող հաստատութեան մը վլուխը: Իրողութիւնը այն է որ վարժարանը տակնուվրայ եղաւ: Անկարգութիւնը իր ծայրագոյն աստիճանին հասաւ: Խիստ օրէնքներ ու կարգապահութիւն դնել ուղեցին: բոնական միջոցներու դիմեցին. դժոնութիւնը խիստ բուռն էր. անբարեկիրթ միջավայրի մէջ անանձ ու կոպիտ մեծցած տղաք Զերազի օրով ազատ ու սանթասօն

վարժուած, լմբոստացան, բարձրագոյն դասարանները պոյքոթ
բրին կամ ճամբուեցան, միևնույն բանն է արդիւնքին մէջ,
վարժարանը կործանման ճամբան բռնած էր. յուսահատա-
կան էր:

Վերջապէս սոփառւեցան Ֆելիքէնը հանելու. այս. բայց
չատ զժուարին գործ մըն էր վարժարանը խաղաղեցնելու.
կիրքերը ոտք եւած էին անգամ մը. անդշխանական ողին
բռն դրած էր հոն. տղաքը սովորեր էին ամէն կարգ ու օրէնք
արհամարհելու. ազատութեան տենչի հովը կը փչէր այն
ատեն, վարժարանէն դուրս թէ ներս, և ազատութիւնը կր
չփոթուէր անկարգապահութեան հետ. Այդ խիստ զժուարին
պայմաններուն մէջ, Մոստիչեան այդ դեռ անփորձ երիտա-
սա, զը, չի վարանեցաւ ընդունելու տնօրէնի պաշտօնը, ան
քաջութիւնն և կամք ունեցաւ զիմազգաւելու դործին զժուա-
րութիւններուն, որպէսեաւ վատահութիւն ունէր ինքն իր
վրայ, իր նկարագրին վրայ. Եւ իրաւունք ունէր անձնա-
վըսահն ըլլալու.

Յոյժ լրջամիտ, համբերատար. պաղարիւն, վարուիլ
գիտող, հաստատակամ ու սկզբունքի տէր միանդամայն,
զիտցաւ ամէն բանէ առաջ ինքինքը յարգել տալ աշակերտ-
ներուն, քանի որ չունէր Զերազի կատակասէր ու ընկերա-
կան խառնուածքը ինքինքը սիրցնելու. համար առաջին
առթիւ: Զինքն ալ սիրեցինք ի վերջոյ, բայց յարգական սէր
մըն էր այդ: Իսի ուրիշ առթիւ թէ վերջին ծայր հօրեմբ էր
ան, յոյժ քաղաքավար՝ նոյնիսկ ամէնէն անկիրթ տղոց հան-
դէպ, այնպէս որ ակամայ կ'ամցնէր գիմացինը և կ'ստիպէր
որ անգամ մըն ալ նոյն կոպտութիւնը չի դործէ: Բնութեամբ
ազնիւ, սրտագին փարած՝ իր սառնանած գործին, համբերա-
տար սպիտով և համոզադական միջոցներով, ու իր անձին
օրինակով ազդելով աշակերտներուն վրայ, չատ չանցած ոչ
միայն խաղաղեցաւ ալեկոծ միջնորդոր այլ վարժարանը նոր
ուղղութիւն մը առաւ, կարգապահ, բարեկիրթ, լուրջ ուղ-
ղութիւն մը: Թէեւ այն ատեն աչքի չի զարկաւ Մոստիչեանի

կատարած գործը , վրան շատ չի խօսուեցաւ , և հետեւաբար քիչեր միայն զիտեն ու կը յիշեն այն օրերու դէպքերը , բայց իրողութիւնը այն է որ . ան՝ վարժարանը կործանումէ փրկեց այն ատեն և ամբողջ սերունդի մը ազնուացման , յաջողութեան պատճառ եղաւ :

Եւ այդ կրցաւ ընել . չնորհիւ ոչ իր համարաբանական ու սումին որ ունէր . ոչ իր մանկավարժական մասնագիտութեան որ չունէր , այլ միմիայն չնորհիւ իր անձնական արժանիքին , բարոյական նեղինակութեան , նկարագրին ազնուութեան և հոգեկան ձիրքերուն :

Մոստիչեան դպրոցավար աշխարհին մէջ բրօֆեսիօնել մը չէր : շատ կարծ պաշտօնավարութիւն մը ունեցաւ , բայց իր կատարած գործը մէծ եղաւ և իր անունը յարգանքով ու երախտագիտութեասը պիտի յիշուի , մեր յեղափոխական տաղնապալի շրջանի կրթական տարեզրութիւններուն մէջ :

Քանի որ յեղափոխական տաղնապալի օրերը յիշեցի , ստիպուած եմ երկու խօսք ալ ընել այդ առթիւ : Հակառակ այն խիստ կարգապահութեան գոր յաջողեցաւ հաստատել վարժարանին մէջ , բոլորովին ազաա ձգած էր տղաքը ուրիշ մարդի մը , այն է ազգային-յեղափոխական փրօփականատի ու գործունէութեան մէջ . բան մը որուն համար խստիւ կը քըննադատէին զինքը պահպանողական տարրեր : Իրաւ է որ տարրական սկզբունք է որ վարժարանի աշակերտները պէտք չէ զբաղին քաղաքական հարցերով , բան մը որ Մոստիչեան ուրիշէն սորքելու պէտք չոնէր , բայց աւելի լայն կը խորհէր . և կըմբռնէր օրուան բացառիկ կացութիւնը , նորահաս սերուներուն մէջ ազգային զգացումը հրահրելու պէտքը , անանկ որ ոչ միայն արգելք չեղաւ ատոր , այլ իր կողմէն ամէն կերպով սատարեց որ Զերագի սկսած գործը չի խափանուի , այլ ընտհակառակը աւելի զարգանայ , արծարծուի , առաջադիմէ : Իր օրով , իրօք , Կեդրոնական վարժարանը , ազգային կրթական առաջին այդ հաստատութիւնը , ազգային յեղափոխական կատառեալ օճախ մը եղաւ միեւնոյն ատեն :

Օր մը երբ իր հասցուցած սերունդին, ազգային կեանքի մէջ ատարած մեծ գործին պատմութիւնը գրուի, այն ատեն աւելի լիովին պիտի ըմբռնենք թէ ի՞նչ կը պարափնք Մոստիչեանի :


Կեղրոնականի տնօրէնութենէն մինչեւ Բարիզի ազգային Համագումարին անդամակցութիւնը, աւելի քան քառորդ դար մը, ի՞նչ օրեր ու ի՞նչ փոխնիփոխութիւններ :

Այդ համագումարին մէջ, երբ իր նախկին աշակերտաներուն, Արշակ Զապանեանի, Վահան Թէքէեանի և ուրիշներուն հետ բազմեցաւ, ազգային ճակատագրի մասին խորհրդակցելու, կը հաւատամ որ իր հոգին հրճուեցաւ գոհունակութեամբ և ինքնինքը լիովին վարձատրուած զգաց :

Վարժապետի բարոյակաւ վարձատրութիւն, — ինք որ վարժապետ մը չէր բառին խակական առումով, այլ պարզ ամաթէօր մը արուեստին, — որ զայն զնահասողին համար աշխարհի ամէն նիւթական բարիքներէն գեր ի զեր է :


Պատիւ իր յիշատակին :

Յ. Ա. ՊԵՏԵՏ



Է. Ա. Կ. Ա. Հ Ա. Ր Յ Ե Ր

ՕՐՈՒԱՆ ՇԱՐԺՈՒՄԸ



Անտարակոյս զարթնումի շրջանի մը մէջ մտած է մեր կրթական գործը : Կեանքի յուսալից նշաններ կան քիչ մը ամէն կողմ՝ շարժումներ, բարենորոգման ճիզեր, սիժափումներ : Կարծես Մէծ Օրին նախասպատրաստութիւնն է :

Ուսուցչական Միութիւնը կը բազմապատկէ իր մասնակիութը . շարքերը կը խտանան իրաւունքի պայքար մղելու համար . ուսուցչիները կը միանան թոշակի նուազագոյն սակ մը պահանջելու . ուկան մը կ'ստեղծուի կրթութեան գործին

սատար կանգնելու . թերթերը յօդուածներ կը նուիրեն դպրոց-ներու և ուսուցիչներու կացութեան ի ն գասա . մանկավարժական ու դպրոցական հարցերու շուրջ բանախոսութիւններ կ'ըլլան . գաւառները կը կազմակերպէն իրենց աւերեալ դպրոց-ները . մանկավարժական ինդիրներու ուսումնասիրութեան համար Ուսուցչական Միութիւնը իր մէջ կը կազմէ յասուկ ընկերութիւն մը . Քաղաքական Փազմք անհախընթացօրէն լիազօր իրաւասութեամբ և կրթական դորձիչներ է բաղկացած Ուսումնական Խորհուրդ մը կ'անուանէ . ազգային վարժարան-ները կեզրոնացեալ կերպով կազմակերպելու համար ճիգեր կ'ըլլան . ներուժ նշանաբանով մը Հայ-Արքիներու խումբեր կը կազմակերպուին ամեն կողմ . անւեւասիկ շարք մը իրացութիւններու որ կենացնի և յուսալից շարժման մը նշաններ են և հրճուանքով կը լեցնեն մեր պատեր :

Պիտի ուզէինք սա քանի մը առզերով վերլուծել այդ գանազան իրադութիւններ , անոնց մէջ գտնելու համար այն հասարակաց զիծը որ առանձքը կը կազմէ ամենուն : Դուք սերել այն էական իրազութիւնը որմէ կը մելինին բոլոր միւս-երը և որուն կը վերապանան ամենքն ալ , այն ոկզոււնքը որ թոյլ կուտայ համազրական ակնարկով ընդպրկել իրազութիւններու բազմազանութիւնը և զիտակցիլ անոնց խորքին : Որովհետեւ այդպէսով միայն կարելի կը դառնայ յատակօրէն ըմբռնել անոնց ամենուն էական կարեւորութիւնը և ոչ միայն հասկնալ զանոնք այլ և կամիր :

Սուածին զէմ յանդիման նկատում մը կ'զգացնէ մեզի որ այդ ամրոզ շարժման ոյժը կուգայ Հայկական Անկախութիւնը կերածելու Կամքէն որ կը վարէ այսօր ամբարձ Հայութիւնը : Դարերու Յեղ մը երբեմն խուլ . երբեմն պոթկացող կերպով մը . բայց շարունակաբար իր ինքնութիւնը պահել և իր անկախութեան տիրանալով ինքզինքը իրագործել չանացեր է . այսօր գերազայն ճգնաժամի մը մէջ Մահուան անդունդին և Կեանքի դաշտին եզերքին վրայ՝ կը չեշտէ . գերազանաց կերպով . իր կեանքի Կամքը . ինքնուրոյն , ազատ և անկախ Կեանքի

Կամքը : Այդ ճգնաժամային մեծ զգացումն է որ անշուշտ կը լեցնէ թոլոր կարևոր չարժումները ներկայ Հայ իրականութեան :

Այսպէս է նաև կրթական չարժման համար : Իրագործել Հայ Անկախ Կրթութիւնը ահաւասիկ խորքը բոլոր կրթական կենսալիր երևոյթներուն : Ազգերու քաղաքական անկախութիւնը իր տեւական և իսկական ոյժը կը գտնէ անոնց Ոգիին . Հանձարին անկախութեան և ինքնասավութեան մէջ : Այդ երկու անկախութիւնները կապուած են իրարու պատճառի և արդիւնքի կապով : Իսկ լաւագոյն միջոցը պահելու և գարգացնելու Ոգիին և Հանձարին անկախութիւնը , յառաջ բերեն է անոր բոյնը՝ ազգային անկախ զգրոցը : Ազգային անկախ զգրոցը որ կուտայ ազգային ինքնասափակ դաստիարակութիւնը . ուր փոխանակ տղան պատրաստուելու օտարին մօտ յաջող ծառայ մը ըլլալու , կը սնանի իր ազգային լեզուով , իր ազգային մաքով , իր ազգային արուեստով , իր ազգային բարոյական ու մէքներով ու կը պատրաստուի իր ազգային խոհանուրու իրագործման ազգակ մը ըլլալու :

Այսպէս կարեիի է բնել թէ ամենաէական միջոցը հիմնական և վերջնական զարձուլու այն քաղաքական անկախութիւնը որուն տիրաց . Հայ Ազգը , է դիտակցիլ Հայ ինքնուրոյն ոգիին և ստեղծել այդ ողիով սնած ու զայն ներշնչող Հայ Անկախ Դպրոցը : Այս է հիմնական կէտը :

Այս նպատակին համեսելու համար , կան գործնական քայլեր առնուելիք և , կայ տեսական մասածում մը ստեղծուելիք : Կայ նախ անհրաժեշտութիւնը : Երկախս զոյութիւն ունեցող հայ զգրոցները կազմակերպելու և անոնց յարկերուն տակ համախմբելու ամբողջ հայ մանկութիւնը : — Ահա ինչ որ կը յուսանք թէ կը ձգտի ընել նոր Ուսումնական Խորհուրդը : Բայց որպէսզի կարելի ըլլայ լաւագոյնս վերակազմել հայ զգրոցները . պէտք է բարձրացնել Հայ Ուսուցչութեան վիճակը և այդ ասպարէզը ընել արժանաւոր : — Այս բանին զիտակցութեամբ է որ Ուսուցական Միութիւնը նուազագոյն սակի

պայքարը հրատարակեց : Դարձեալ որպէսզի կարելի ըլլայ գոհացում տալ այդ պահանջքին և բարձրացնել հայ գպրոցը , պէտք է որ բոլոր հայ ծնողները իրենց զաւակները , առանց սակարգութեան , զրկեն հայ գպրոց : — Ահա ինչու կրթական գործիները կը խօսին և կը դրեն հայ ծնողներուն . « Զի զրկել իր զաւակը հայ գպրոց , կը նշանակէ մեղանչել հայկական անկախութեան գաղափարին ղէմ » : Քիչ վերը ըսուածը բացայցտ կը զարձնէ այս զատազութեան ճշմարտութիւնը :

Այս գործնականն քայլերէն վեր . շուտով պիտի զգացուի սակայն Հայ Մանկավարժական ինքնուրոյն մտածման մը անհրաժեշտութիւնը : Մտածում մը որ նկատի առնելով մէկ կողմէ եւրոպական մանկավարժութեան միջոցները և միջազգային կեանքի պարտադրած կրթական անհրաժեշտութիւնները , միւս կողմէ տեսակ մը խտացմամբ , զիտակցի հայ ինկական ողին ու ինքնուրոյն մշակոյթին ձգտութեարուն և ստեղծէ այնպիս Անկախ Հայ Դպրոցին և Ինքնատիպ Հայ կրթութեան Տիպարը : — Ահա ինչու Ուսուցչական Միութիւնը կը ձեռնարկէ իր ծոցին մէջ կազմելու Հայ Մանկավարժական Ընկերակցութիւն մը , նուիրուած այս տեսական աշխատութեան :

Բայց բոլոր այս շարժումներուն մէջ , վայրկեան մը չի զաղըինք տեսնելէ ճիզը յառաջ բերելու Հայ Անկախ Դպրոցը ուղիւ զի բլլայ Հայ Անկախ Հայաստանը :

Շ . - Ռ .



ՀԱՐՑՈՒՄՆԵՐ ԵՒ ՊԱՏՈՒԽԵՐՆԵՐ

ՊԱՏԱՍԽԱՆՆԵՐ

ՄԵՐ ԹԻՒ ԻՒ ՄԷԶ ՏՐՈՒԱԾ ՀԱՐՑՈՒՄԻՆ

ՊԱՏԱՍԽԱՆ Ա.

Տարիներ առաջ, Ազգ. կեղրոնական վարժարանի մէջ Մանկավարչութիւնը ի հարոյաց գիտութիւն դասախոսած եմ ֆրանսերէն լեզուով, երկու վարժարաններուն ալ բարձարագոյն երկու դասարաններուն մէջ, մերձաւորապէս 17-18 տարեկան տղոց, առաջին վարժարանին մէջ 5-6, երկրորդին մէջ 1-2 տարի, եթէ չեմ սիսակի:

Նոյն դասարաններու ֆրանսերէնի դասերն ալ ես կ'աւանդէի:

Չեմ համոզուած թէ ֆրանսերէն լեզուով աւանդուած ըլլայք ուշագրաւ օգտակարութիւն մը ունեցած ըլլայ ֆրանսերէն լեզուին համար՝ ընդհանուր կերպով: Աշակերտները ուսմանց վերսյիշեալ ճիւղերու համար յատուկ բառամթերքի մը տիրացած են և ուսուցիչին սիրելի եղող ու անոր կորմանէ յաճախ դորձածուած մէկ քանի ասացուածները իւրացուցած են. ուրիշ ոչինչ, կամ զրեթէ ոչինչ: Այդ լեզուով բերանացի կամ գրաւոր արտայայտուելու տեսակէսավ, չեմ տեսած թէ աշակերտները ուշագրաւ օգուտ մը քաղած ըլլան այդ միջոցէն: Արդիւնքը տարրեր պիտի ըլլար, հաւանականարար, եթէ շատ մը դասեր ֆրանսերէն լեզուով աւանդուելին:

Իսկ թէ «աւանդուած ճիւղը լեզուին համար տուժած է», կարծեմ թէ պատասխանը կը տարրերի նախ աւանդուած ճիւղին համեմատ Հոգեբանութիւնը կամ Մանկավարժութիւնը հաւանականարար չեն տուժած, ամէն պարագայի մէջ, աշակերտները մեծ հետաքրքրութեամբ հետեւած են միշտ դասախոսութիւններուն և ցոյց տուած են թէ հասկցած են դասերը: Ուսկայն, դասը տղոց հասկնալի ընկերու համար՝ հաւանականարար աւելի շատ ժամանակ գործածելու ստիպուած էի քանի որչափ պիտի չգործածէի եթէ մայրենի լեզուով տեղի ունենար դասախոսութիւնը՝ ֆալով բարոյագիտութեան դասին, յաճախ փափագ կամ նոյնիսկ պէտք կ'զգայի այդ դասը հայերէն լեզուով աւանդելու, որովհետեւ այն ապաւորութիւնը կ'ունենայի թէ մայրենի լեզուն աւելի պիտի կերպով հաղորդակցութեան պիտի գնէր ուսուցիչին սիրտը տղոց սիրտին հետ, Յուրաքանչեան, ինչպէս նաեւ աւելի բանե-

կանութեան քան զգացումներուն հետ գործ ունեցող ճիւղերը չեն տուժեր, հաւանականաբար, օտար լեզուով աւանդուած ըլլալուն պատճառաւ, իսկ զգացումներուն հետ գործ ունեցող դասերը հաւանականաբար կը տուժեն. այս եղած է տպաւրութիւնս:

Պատասխանը կը ասրբերի նաեւ դասարանի աշակերտներուն կարողութիւնը հաւասար ըլլալուն կամ չըլլալուն համեմատ Այն դասարաններուն մէջ զորս յիշեցի, աշակերտներուն կարողութիւնը հաւասար չէր՝ ֆրանսերէնի տեսակէտով, և պատճառներ ունեցած եմ կասկածելութէ աշակերտներէն ոմանք զժուարաւ կամ նոյնիսկ դժկամակութեամբ կը հետեւէին դասերուն: Այլպիսիներուն մէջ կային որ աւելի պիտի չհետաքրքրուէին գուցէ՝ լթէ գասը հայերէն լեզուով աւանդուէր, բայց կային ալ որ հաւանականաբար այլապէս պիտի շահագրգուէին դասովը՝ կթէ իրենց մայրենի լեզուով աւանդուէր անիկա:

Յ. Թ. Հիմնիլին.

ՊԱՏԱՍԽԱՆ Բ.

Ֆրանսերէն լեզուով աւանդած եմ Ուսողութիւն և Բնագիտութիւն, բարձրագոյն կարգերու մէջ:

Երբ աղան չի պատրաստուիր բարձրագոյն ուսումներու, լեզուն գործիք մըն է պարզ և փասակար երբ տղան զայն յաւ չի գիտեր:

Բարձրագոյն ուսումներու պատրաստութեան համար Ուսողութիւնը պէտք է աւանդել գեղեցկագիտորէն. ոչ թէ ծանօթութիւններ տայլու այլ մտածումի, գեղեցկութեան նոր ձեւ մը ծնցնելու համար. լեզուն պէտք է ըլլայ կատարեալ և ծկուն. Տարազը՝ վերջնական: Պատկերացրնելու համար ճշմարտութեան աննիւթական ձեւը՝ անիկա աւելի բան մ'է քան գործիք մը: Ուէտք է գործածել լեզու մը որով կարելի ըլլայ երթալ դիտութեան սահմանները. մեր լեզուն չի գոհացներ այս պահանջքը:

Բնագիտութեան համար պէտք է տղան վարժուած ըլլայ մասնաւ գիտական բառերու:

Լեզուի տեսակէտով հետեւեալը դիտած եմ: Տղաքը սխալ կը խօսին. առանց գասը վտանգելու կարելի չըլլար լեզուի սխալները ուղղել. այսպէսով անննք կը վարժուէն իրենց գաղափարները արագ արտայայտելու բայց կը սովորին լեզուի համար անփոյթ ըլլալ:

Դ. Գ. Գ.

ՊԱՏԱՍԽԱՆԱԿ

Պր. Յ. Ասպետ պատմելէ վերջ թէ 1889ին կեդրոնականի մէջ Գիտութեան գասերը առած են ֆրանսերէն լեզուով Պր. Պանչօնէ, կը գրէ.

Դիտական ճիշդերը, ինչպէս մաթէմաթիքականները, մէջէ մէջ իրարու կապուած և իրարու վրայ հիմուած տեսութիւններէ կը բաղկանան առաւելապէս, անանկ որ անոնք շղթայի մը օղակներուն պէս են, և եթէ մէկը պակսի, ամբողջին շարայարութիւնը կը խցուի: Ատկէ կը հետեւի որ այդ գասերուն մէջ, բնաւ մութ կէտ մը պէտք չէ մնայ աշակերտին միտքին համար: Եւ ահա, ես կրնամ վաստահացնել, որ այդ գասերուն մէջ շատ մը կէտեր մութ կը մնային մեզմէ շատերուն համար, որովհետեւ մեր Փրանսերէնը բաւականաշափ զօրաւոր չէր և ես, մասնաւորապէս, հակառակ գիտութեանց սիրող մը ըլլալուս, շատ ու շատ ետ մնացի և տառեցի այդ գրութեան երեսէն: Մինչ եթէ այդ գասեր հայերէն ըլլար և Պօյածեանի նման խղճամբա մէկու մը կողմէ աւանդուած ըլլար, ես և ուրիշներ շատ օգտուած պիտի ըլլայինք:

Եւ արդէն խիստ բնական բան մը չէ^o այդ: Լեզուն գործիք մընէ, որուն շնորհիւ աշակերտը կարգ մը առարկաներ պիտի շնէ ու անոնցմով կահաւորէ իր միտքը: Արդ, ինչպէս կուզէք որ թերի ու նախնական գործիքով մը, բաւական նուրբ առարկաներ կարող ըլլայ չինել, արդէն համբակ գործաւորը, ոչ աշակերտն է:

Միւս կողմէ, անձնական փորձառութեամբս, կրնամ ձեզ հաւաստել որ, Փրանսերէն լեզուի կամ խօսելափարժութեան համար ալ ամէնադոյզն օգտակարութիւն մտ չէ ունեցած ինձի, այդ անիմաստ գրութիւնը թիւ մը գիտցածս ալ, վերջէն և տարբեր միջոցներով սորված եմ:

Յ. Ա. ՊԵՏՐՈՎ



ԳՐԱԴԱՐԱՆ

Տօք. Էս. Փլարպուէս. ՄԱՆՈՒԿԻՆ ՀՈԴԵԲԱՆՈՒԹՈՒՆՆ. Եկ. ՓՈՐՉԱ-
Ո-ՈԿԱՆ ՄԱՆԿԱՎԱՐԺՈՒԹՈՒՆ, 1912, զին 4 ժման (Dr. Ed. Claparède:
PSYCHOLOGIE DE L'ENFANT ET PÉDAGOGIE EXPÉRIMENTALE.
4me édit. Genève, Kündig. Prix 4 frcs.)—«Մանուկին Հոգեբանութեան»
դասագիրքը մը չէ այս, ինչպէս ենթագրել պիտի տար իր անունը: Բայց
ան շատ բան կը պարունակէ մանուկին Փիզիքական և հոգեբանական
զարգացման մասին, կը խօսի մանուկին գիտութեան (մանկարանութիւն
—պէດոլոգի) պատմականին, ուսումնասիրած ինդիքներուն, գործածած
մեթոդներուն, մանուկին իմացական զարգացման, մտային յոգնութեան
վրայ եւայն:

Այս անհնգ, որոնք մանաւկներու գաստիարակութեամբ կ զբաղին կամ պիտի զբաղին, անհրաժեշտ է որ կարդան ժընէվի հոյ սկապ հագեցանին այս գիրքը, մանաւանդ անոր ներածոթիւնը և մանկութեան նշանակութեան վրայ գրուած էջերը:

Ներածութեանը մէջ հեղինակը կը Խօսի ուսուցչութեան թէկնածուներուն մանկաբանական ծանօթութիւններ տրուելու անհրաժեշտութեան վրայ: Իր խօսքերը ուղղուած են մասնաւորաբար անոնց որոնք կը կարծեն թէ մըմիայն ձիքքն ու ուսուցանելը կը բաւեն յաւ դաստիարակ մը ըլլայու համար, սակայն, զանոնք ուղղուած կարելի է նկատել նաև այնպիսիներուն՝ որոնք մասնկարանութեան կարեւորութեանը վրայ խօսուներուն՝ դայն միակ կարեւորը նկատելու միամսութիւնը կը վերագրեն:

Մանկութեան նշանակութեան մասին գրուած էջբը Քյալբառէտի գիրքին ըլլորովիին Նոր Նկարագիր մը զու տան ու զայն կը տարբերեն ընդհանրապէս մանկապարժական ուրիշ գիրքերէ:

ինչ բանի կը ծառայէ մանկութիւնը, ահա էտական հարցը; Մանուշ
կը անկատար չափահաս մը չէ ինչպէս կը կարծուի: Կեանքի փորձառու-
թիւնը և զարգացումը չէ որ կը պակսին իրեն չափահաս ըլլալու համար:
Կովս ալ, օրինակի համար, խորհելու կամ ընկերային առաքենութեանց
անսակէտով շատ անկարող է անհուշտ, և սակայն մանուկ մը չէ: Ինչ
որ էսկ մը մանուկ նկատել կու տայ տփիտութիւնը չէ, այլ գիտնալ
փափաքիլը, աւելի՛ բան մը ըլլալու ձգտին է: Պղտիկ հորթը կով-մանուկ
մէն է, որդիչետեւ կը ձգտի կով ըլլալ, բայց կովը մարդ-մանուկ մը չէ,
որդիչետեւ ոչ մէկ ձգտում ցոյց կու տայ մարդ ըլլալու: Մանուկը պղտիկ
անկատար մը չէ, իր բո՛ւն յատկութիւնը անկարող մը ըլլալը չէ, այլ
թէկինածու մը, և իրը այդ իրեն պետք եղած բոլոր կարսութիւնները
ունի և հետեւաբար կատարեալ է իրը մանուկ: Աւելեմն մանկութիւնը
իրեն յատուկ պաշտօն մը ունի, այն է փորձառութիւն ձեռք բերել,
կարողութիւնները զարգացնել, բան մը որուն համար բնական պահանջ

մը ունի տղան։ Մանուկը պզտիկ ըլլալուն համար չէ ու մեծ չէ, այլ դաղտնի բնագդ մը կը մղէ զայն ընկու ամէն ինչ որ պէտք է մեծնաւ լու համար։ Արդ, այս զարդանալու բնադդական ձգտումը ի յայտ կու գայ խաղի ձեւին տակ, խաղը ար կերպով կը դադրի զբոսանք նշանաւ կելէ, կը դառնայ լուրջ զբաղում մը, մանուկին զբաղումը, մանուկին աշխատութիւնը, որով ան կը զարդացնէ իր զգայարաններն ու կարդութիւնները և կը պատրաստի ապագայ, չափահասի լուրջ կիսնքին։ Խաղը կառնէ Նախապատրաստութեան նշանակութիւն մը։

Այս քանի մը խօսքերը, որոնք մեծ մասամբ գիրքին մէջէն իսկ քաղուած ու իրարու բով դրուած են, բաւական պիտի ըլլան, կը յուսանք, ընթերցողին փափաք ներշնչելու համար՝ զայն ամբողջութեամբ կարդալու և խորհրդածելու անոր պարունակած տեսութիւններուն գրայ։

Դ.

ՏԵՂԵԿԱՏՈՒՐԻԹԻՒՆ

ՄԻՈՒԹԵԱՆ ԳՈՐԾՈՒՆԷՈՒԹԵԱՆ

ԿԵԴՐՈՆԱԿԱՆ ՎԱՐՉՈՒԹԵԱՆ

Ուսուցչական Միութեան կեղրոնական վարչութիւնը որոշեց ամէն ջանք ի գործ զնել քիչ մը բարւոքելու համար Հայ Ուսուցիչներու նիւթական վիճակը, այդ կերպով է որ միայն՝ ուսուցչութիւնը ասպարէզ մը պիտի կարենար զառնալ և նիւթական անբաւարարութեան պատճառաւ քաշուելու սիփուած ուսուցիչներ պիտի փափաքէն իրենց նախապատճառ ասպարէզին վերադառնալ, և այսպէս թերեւս ուսուցչական լաւագոյն ընտրութիւն մը կարելի պիտի ըլլար այս տարի, մեր թաղային վարժարաններու վիճակը բարւոքելու համար։ Ուրեմն Միութիւնը այս նկատումներէն մղուած էր որ, առաջին գաշտապատով ուսուցիչները իրարու քով հաւաքելէ յետոյ, զանոնք խորհրդակցական ժողովի մը հրաւիրեց՝ անոնց իւրաքանչիւրին մտայնութիւնը չօշափելու, և տրամադրութիւնները հասկնալու՝ նախ այս տարի և եթէ

կարելի ըլլար յաջորդ տարիներն ալ , պաշտօնական մարմիններու առջև աւելի գորաւոր կազմակերպութեամբ մը կարենալ ներկայանալու խնդրոյ մասին . և վերջապէս գտնելու համար լաւագոյն միջոցը ուսուցչաց արգար պահանջները այս տարիին իսկ իրագործելու համար : Առաջին Ծնդհ . Ժողովին մէջ ներկաներու ընդհանուր մասյութիւնը ուսուցչական դաշնակցութեան մը կազմութեան կարծես յառած ըլլարով . հետեւեալ բանաձեւը ընդունուեցաւ . «Ներկայ ուսուցչին և ուսուցչունիները վայրկեանի մտաճոգութենէն թելադրուած իրենց նիւթական և բարոյական իրաւունքներու պաշտօնութեանը համար կը յաւարարեն կազմութիւնը ուսուցչ . դաշնակցութեան մը և կ'ընտրեն ընդհ . քարտուզար մը և 2 խոր՝ բարկաններ . որո՞ք պիտի պատրաստեն ծրագիր կանոնագիր մը :»

Եւ Պր . Կ . Գիւրքնեանի պաշտօն յանձնուեցաւ Պր . Պր . Գ . Գ . Գավաֆեան և Պ . Գէօրգեանի հետ համախորհուրդ պատրաստել սոյն ծրագիր կանոնագիրը :

Երկրորդ Ծնդհ . Ժողովին ծրագիր-կանոնագիրը պատրաստուած էր արգէն . յետ ու ու ընթերցման . առաջին յօդուածէն իսկ վերակառնալ պէտք եղաւ անմիջապէս դաշնակցութիւն մը կազմելու կամ չկազմելու հարցին : Այս անգամ ուսուցչաց մեծամասնութիւն մը զանազան նկատումներէ մղուած , նախապէս պատրաստուած էր ընդիմանալ այս տեսակ անկախ կազմակերպութեան մը . և վստահ կեզր . Վարչութեան վրայ , կը պահանջէր որ ըստ Միութեան ծրագրին , անիկայ ստանձնէ ուսուցչաց նիւթական ապահովութեան գործը . պահանջնելով ամէն ուսուցչէ որ իր նիւթական և բարոյական կարելի միջոցներով պարտաւոր ըլլայ ուժովցնել զայն :

Վարչութիւնը քանի մը նիստեր յատկացուց խնդրին ուսումնափութեանը համար , և վերջապէս որոշեց կազմել Վարչութեան ենթակայ դիւան մը , անկախ իր սնտուկով , որուն միակ պաշտօնը ըլլայ ապահովել ուսուցչաց նուազագոյն պահանջները և նիւթական շահերը . այսինքն ընել

տեսակ մը զաշնակցային կազմակերպութիւն Ռւսուցչական Միութեան ենթարկուած, և ոչ թէ անկախ. և նկատեալ թէ՝ նեղայ չըջանի մը համար անմիջապէս գործի ձեռնարկել անհրաժեշտ էր, Վարչութիւնը՝ կեանքի պայմանները և առ հասարակ թաղային մասունքներու կարելիութիւնները կչուելով ջանաց գէթ ապահովել ապրուելու նուազագոյն սակեր զանազան զասակարգի ռւսուցչաց համար :

Գ. րդ Ընդհ. Ժողով մը եւս գումարուեցաւ ուր միմիայն համաձայնութիւն գոյացաւ առ հասարակ ու և ուսուցչի գէթ նուազագոյն 20 սոկիի սակի մասին, իբր ապրուսափ նուազագոյն պահանջք :

Աւելի բարձր սակերու իրաւունք շահած ռւսուցիչներու ամսաթոշակներու ձգուումը՝ իրենց կարողութեանց և տեսնուած պահանջներուն ձգելը աւելի նպատակայարմար նկատուեցաւ : Այս մասին Վարչութիւնը անմիջապէս ձեռնարկեց ռւսումնաւութիւններ Ընդհ. Ժողովի որոշումներուն հպատակելու համար, առողութ մեծ մասամբ հաւաքուած են արգէն . կարդ մը ռւսուցչաց յանձնառուագիրները զեռ Վարչութեան համած չըլլալով, թերթերու միջոցաւ պաշտօնապէս ծանուցուեցաւ որ ամէն ռւսուցիչ 20 սոկիէ նուազ ամսաթոշակով պաշտօն չստանձնելու յանձնառութիւնը յարգէ . Միութիւնը շատ ռւրախութեամբ կը տեսնէ որ՝ Ազգային իշխանութիւնները, ճանչնարդ ռւսուցչաց պահանջներուն բացայցաւ անհրաժեշտութիւնը, սկսած են արգէն գահացում տալ անոնց : Աւսուցչական Միութիւնը իր պահանջները դնելէ անմիջապէս յետոյ, խորհեցաւ նաև թաղային մասունքներու ներկայ և յաջորդ տարուան կարելի վիճակի մասին, և ընդունելով հանգերձ թէ ամէն թալ զանազան տեսակ հանդէսներով և կամ հանգանակութիւններով կրնաց իր վիճակը ներկայ պայմաններուն ստեղծած պահանջներուն հետ հաշտեցնել, հասոյթի ամէնէն

որոշ աղթիւրը եղող աշակերտաց թոշակներուն և թիւին յաւելման համար ուզեց անմիջապէս օժանդակել թաղային մարդիններուն : Այս նպատակաւ Վարչութեան իւրաքանչիւր անդամ այդ հարցի մասին՝ մեր դանագան օրաթերթերուն յօդուածներ նուիրեց զատ, ստանձնեցին նաեւ բանախօսութիւններ ընել զանազան թաղեր, ծնողքներու մէջ քիչ մը աւելի տաք վերսուրերում ստեղծելու համար՝ հայ վարժարան ներու հանդէպ :

Ուսուցչական Միութեան Կեղր . Վարչութիւնը իր այս ամսուան գործունէութեան մեծագոյն մասը նուիրեց ուսուցչաց նիւթական նուազագոյն պահանջներու ապահովման :

Միութեան անդամները փափաք յայտնած ըլլալով որ արձակուրդի ընթացքին երկրորդ ուսուցչական դաշտապոյտ մը տեղի ունենայ , Կեղր . Վարչութիւնը բնական է փութաց անմիջապէս այդ փափաքին գոհացում տալ . պտոյտը իր զուարծութիւններուն մէջ՝ մանաւանդ լաւագոյն առիթը պիտի ըլլար ուսուցիչները իւրարու քոյլ հաւաքելու , անոնց մէջ լնդն . կերպուկ՝ աւելի արդիւնակի համագործակցութիւն մը տպահովելով : Պտոյտը տեղի ունեցաւ Օգոստ , Եին , Պէյքօզ Դայմագ Տօնտուրան : Տեղը չատ լաւ լնտրուած էր . և մանաւանդ չնորհիւ Օր . Օր . Գ . Թերզեանի , Ռ . Ճնազեանի Ս . Տէր-Մելքոննեանի և Պրն . Ճէնազեանի չատ զնահատելի և անձնուեր աշխատութեանց , որոնք ամբողջ ներկայ ուսուցչաց արդար չնորհակալութեանց արժանացան , Ուսուցչութիւնը կրցաւ այս անգամ վայել ընդն . ճաշասեղանի կազմակերպութիւն մը՝ չատ կոկիկ վճարումի մը փոխարէն մրայն . ինչպէս միշտ , Պրն . Ալիքսաննեան սիրայօժար ստանձնած էր մեզ լնկերանալ իր ջութակով : Օրը չատ զուարիթ և հաճելի անցաւ , և քիչ չէին անոնք որ կը փափաքէին երրորդ պտոյտ մը եւս վայելել :

Կեղր . Վարչութիւնը որոշեց թերթերու միջոցաւ իր համամտութիւնը յայտնել Ուսումնական Խորհուրդի որոշման թէ առանց առժամեայ արտօնագրի , ուսուցիչ և ուսուցչուհիներ

պիտի չկարենան պաշտօնավարել : Այս տեսակ ընտրութիւն մը այս տարի անհրաժեշտ դարձած էր այլեւ :

Յարմար զատուեցաւ որ մասնաւոր կազմակերպութեան մը առաջնորդութեամբ, ուսումնասիրութիւններ կատարուին Հայ Մանկավարժական խնդիրներու շուրջ, նոպատակակէտ ունենալով միշտ «ապագայ Հայ Վարժարան»ը : Որոշուեցաւ այդ մասին մասնաւոր ծրագիր մը պատրաստել :

Հաստատուեցաւ ուսուցչական աշխատանքի դիւան մը ուր 5 օրիորդներ ստանձնեցին յաջորդաբար արձանագրութիւնները կատարել . որոշուեցաւ ամէն ընդհ . հրաժարեցում՝ մասնաւոր կերպով քննելէ յետոյ միայն վարժարանաց ուսուցիչ հայդայթել, և հրատիրել ամէն հրաժարեալ ուսուցիչ որ եթէ բողոք ունի, Ուսուցչական Միութեան դիմէ իր շահերու պաշտպանութեան համար :

ՄԱՍՆԱՑԻԴՐ

ՍԿԻՒՏԱՐԻ ՄԱՍՆԱՑԻԴՐ

Արձակուրդի առթիւ մանկավարժական բանախօսութիւններ կազմակերպած է . Պր . Պր . Յ . Թ . Հինդիկան և Ա . Նիկողոսեան շարք մը բանախօսութիւններով սկսած են ուսումնասիրել Ա . ը նոր Դպրոցները, Բ . ը Մայրենի լեզուի ուսուցումը :

ՎՈՍՓՈՐԻ ՄԱՍՆԱՑԻԴՐ

Պէշիքթաշի և Օրթագիւղի ուսուցիչները միացած հիմնեցին նոր մասնաճիւղ մը : Վարչութիւնը կազմուեցաւ հետեւեալ կերպով :

Ասենապես՝ Պրն. Մկրտիչ Փափազեան

Ասենադպիր՝ Օր. Տիգրանունի Եալլախանեան

Գանձապահ՝ Օր. Վերմին Մեսրոպեան

Այս Մասնաճիւղին պիտի կցուին նաեւ՝ Գուրուչչմէի, Արնաւուսպիւղի, Հիսարի եւն, ուսուցիչներն ալ :

Կ . Ք .

ԿՐԹԱԿԱՆ ՔՐՈՆԻԿ

Ա.Զ.Գ.Ա.ՑԲՒ

Տարիներէ ի վեր տիրող աղք. կրթական խառնակ վիճակին վերջ տալու համար Ազգ. Վարչութիւնը ընտրեց Ուսումնական Խորհուրդ մը. Անիկայ իր նախորդներուն վրայ սա աշխառու տարրերութիւնը կը ներկայացնէ որ բազկացած է ամբողջովին կրթական գործիչներէ. այսպէսով վերջ կը գտնէ ցարդ տիրապետող այն զրութիւնը որով միշտ աղք. իշխանութիւնները կ'զգուշանային կրթական գործը կրթական գործիչներուն յանձնելէ, նախընտրելով առեւտրականները կամ ուրիշ ասպարեզի պատկանողները: Խոր Ուսումնական Խորհուրդը կազմուած է հետեւեալ կերպով.

Պ. Պ. Յ. Թ. Հիմնդեան, Ասենապէս

Գ. Գ. Գավաթեան, Ասենաղպիր

Ստեփ. Կուրտիկեան

Յովս. Ճելալեան

Շ. Ռ. Պերպէրեան

Յ. Միմիկչեան

Կ. Քիւրինեան

Քաղաքական ժողովը մասնաւոր շրջաբերականով մը յայտնած է բոլոր թաղական Խորհուրդներու թէ այսուհետեւ Ուսումն. Խորհուրդը լիազօր իրաւասութիւն ունի ուղղակի կերպով կազմակերպելու և վարելու Ազգ. վարժարանները, թաղական Խորհուրդներու հետ խորհրդակցաբար կազմելով վարժարաններու պիւտակէն:— Ուսումն. Խորհուրդը այս ուղղութեամբ գործի ձեռնարկած է և ուսումնասիրելէ վերջ իւրաքանչիւր վարժարանի և թաղային վիճակի կարելիութիւնները անուանած է իւրաքանչիւրի տեսքէնի, յանձնարարելով ուսուցչական մարմին կազմութիւնը իր վաւերացման ենթարկուելու համար:

ՕՏԱՐ

Ֆրանսայի մէջ շարժում մը սկսած է 1902ի ծրագիրներուն գէմ Յայտնի է որ Գերման մանկավարժութեան ազգեցութեան ներքեւ կազմուած են այս ծրագիրները և կը ձգտին մասնաւորել տղուն կարողութիւններուն զարգացումը, մասնագէտներ պատրաստելու մասին: Կըսուի թէ, անշուշտ այս կերպով լաւագոյն պատրաստութիւնը կ'ըլլայ պահանջուած գործին համար բայց անկարելի կըլլայ վարիչներ կազմել որովհետ

տեւ այդ բանին համար անհրաժեշտ են ընդհանուր զարգացում և ամբողջական նայուածք իրենցու և մարդոց վրայ։ Այս կարծիքը կը յայտնեն ամենէն աւելի գործի մարդիկ որք տեսած ե զգացած են պակասը։

Զգտում կայ նաեւ ջնջելու «Cycle»ներու գրութիւնը։ Կը փափառուի երկրորդական կրթութիւնը պատրաստել դանդաղ և միայար կերպով։ Հի յոգնեցնել տղան (շաբաթը 20 պահ դաս պահը 40 վայրկեան) ժամանակ տալ իրեն խորհիւլու համար։ Իր մէջ մշակել սէրը ամեն բանի որ մարդկային է, ահաւասիկ, որքան կարելի է այսօր ճշգրի, ընդհանուր գիծերը նոր ձգտումին։ Ինդիրը լուրջ է և պէտք է սպասել։ պէտք է սպասել մանաւանդ որ ամեն գերմանական աղբերէ ըդխող դաղափարի գէմ եղան ատելութիւնը մեղմանայ քիչ մը։ Դաղափարները կը ճշգույն մակընթացութեան շարժումով։

Գ. Գ. Գ.



Տարեկան 10 թիւ. — Բաժանորդագրութիւն. Պոլիս և Գաղաք
100 դր. Աշտարակման 10 Ֆրանք
Խմբագրութիւն. — 37, Գապրիսթան փողոց, Աերա, Կ. Պոլիս

ԳԻՆ 10 ԴՐՈՒՅ